



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

LXXXIV. Die von Garthow überlassen dem Kloster Arendsee Besitzungen in Genzin, am 13. Mai 1349.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

premissa, videlicet Theolonium de pannis, duodecim pulli et medietas decime minute predictae cum omni iure, gracia, commodo et honore, quibus nobis pertinebant, ad prenotatum Conuentum debent perpetuis temporibus pacifice pertinere, Abdicantes omne Jus, cui et renunciamus solempniter pro nobis, heredibus et successoribus nostris, quod nobis competit aut competere posset aliquo modo in eisdem. Non debeat etiam Capitaneus, Aduocatus, aut officarius noster aliquis, vel Budellus ipsorum substitutus nobis in premissis Theolonio aut aliis Juris quidpiam vindicare aut aliquo modo usurpare. In cuius testimonium presentes dari fecimus Sigilli nostri appensi munimine firmiter communitas. Testes vero Strenuus Miles fridericus de Lochen, Capitaneus noster in Marchia generalis, et honorabilis vir dominus Ludolfus, prepositus in Saltzwedel, necnon Strenui viri Albertus de aluenfleue et fridericus de Garthowe, et alii quam plures fide digni. Datum Tangermund, Anno domini M^o. CCC^o. Quadragesimo octauo, feria tertia proxima ante petri ad cathedram.

LXXXIV. Die von Garthow überlassen dem Kloster Arendsee Bestzungen in Genzin,
am 13. Mai 1349.

In nomine domini Amen. Ne mater erroris obliuio facta hominum confundat, scriptis authenticis solent roborari. Hinc est, quod nos Johannes dictus de Gartowe, plebanus in Wustreue, et fridericus, dictus de chartow, filius friderici Junioris nostri fratris dicti chartou bone memorie, tenore presentium recongnosimus publice protestando, Quod hinricus nunc dictus de Chartowe beate memorie, noster quondam frater et patruus predicti friderici, ex vnanimi consensu nostrorum omnium predictorum et omnium heredum nostrorum legitimorum assignauit et donauit, veluti nos predicti Johannes dictus de Chartow, Plebanus in Wustreue, et fridericus de Chartow per presentes assignamus et donamus, ob remedium nostrarum et omnium nostrorum parentum animarum Priorisse et conuentui sanctimonialium in Arneffe vnam curiam sitam in villa Ghentzin, in qua nunc moratur Lambertus, cum omnibus Redditibus et deriuacionibus ad predictam curiam spectantibus, Videlicet cum omni Jure infra sepes et XXVIII modis filiginis et VI denariis in festo beati martini Episcopi et cum duobus pullis et decima minuta et seruicio singulis annis habendo et possidendo, Sic tamen, quod Elizabeth chartow, soror antedicti friderici, et Byke dicta de yetze, nostra consanguinea, sanctimoniales ibidem in claustro Arneffe existentes, omnes predictos redditus ad antedictam curiam spectantes ad vite sue necessaria temporibus vite ambarum sanctimonialium predictarum singulis annis percipiendo habebunt. Mortua vero vna earum alia, que diucius superuixerit, predictos redditus integraliter habebit percipiendo, Ambabus vero mortuis supradictis, extunc Priorissa et Conuentus sanctimonialium in Arneffe ad earum consolacionem sepedictam curiam cum omnibus ad ipsam spectantibus, vt premissum est, perhenniter optinebunt. Et memoria hinrici et nostrorum et omnium parentum nostrorum singulis annis in festo beati Oswaldi regis et martiris vigiliis, missis et aliis bonis operibus in monasterio Arneffe peragi studiose debeat. Vt vero hec Predicta a nobis et a nostris heredibus Rata

et inuolabiliter seruentur, Damas super hoc nostras patentes litteras sigillorum nostrorum appensionibus firmiter roboratas. Et nos henninghus et Boldewinus fratres, necnon Johannes et buffo, singuli dicti de Chartow, et Hinricus dictus Rossov in testimonium omnium premissorum Sigilla nostra a nobis presentibus sunt appensa. Testes vero huius rei sunt Meynardus prepositus tunc temporis in Arnse, Dominus Nycholaus de Rossov, Gherardus winterueld, sacerdos, Nycholaus plebanus in hilghenuelde et Johannes plebanus in maleftorp et gherardus Crughen laycus et alii quam plures fide digni. Datum Chartow, Anno dominice incarnationis M^o. CCC^o. XLIX^o., in die beati seruacii episcopi et confessoris.

LXXXV. Das Kloster Arendsee befundet die Stiftung der Gedächtnißfeier des Priesters Rudolph Hennemann zu Seehausen, am 15. Juli 1350.

Nos Johannes prepositus, Jutta Priorissa totusque Conuentus sanctimonialium Monasterii sancte Marie virginis in Arnse ad noticiam tam presentium quam futurorum deducimus per presentes, Quod pie memorie vir discretus dominus Rodolphus henneman, Sacerdos in zehusen, Dum pro salute anime sue in vltima voluntate sua suum conderet testamentum, vt dies obitus sui in nostro Conuentu memorialis missis et vigiliis Annis Singulis haberetur, nobis octo marcas Argenti Brandenburgensis legauit propter deum ad comparandum perpetuos Redditus cum eisdem et distribuendum personis singulis intra claustrum. Quapropter ad hoc implendum recepta per nos predicta pecunia et in communem vsum nostrum conuersa In propria nostra curia in Vylebom, Vnanimi consensu dimisimus ac presentibus dimittimus Vnum talentum brandenburgensium denariorum per singulos annos perpetuo per nostrum in dicta curia villicum seu colonum in festo martini in manus Priorisse personaliter presentandum. Cuius tamen pecunie dimidietatem heylewigis nobiscum professa soror prenotati quondam domini Rodolphi ad vite sue tempora sue prebende recipiet ad augmentum. Alia autem dimidietas personis singulis intra conuentum, vt predictur diuidetur. Postquam autem dicta heylewigis viam vniuerse carnis ingressa fuerit, predictum talentum de prefata nostra curia, vt premititur, exsoluendum conuentui nostro integraliter distribuendum perpetuis temporibus permanebit. Dies igitur obitus domini Rodolphi sepedicti vigiliis missis, commendacionibus ac aliis peractionibus in Conuentu nostro consuets Annuerfarius pro remedio anime ipsius perpetuis temporibus peragetur. Vt autem premissa a nobis et posteris nostris inuolabiliter obseruentur, Presentem litteram super hiis confectam sigillorum nostrorum appensionibus fecimus communiri in euidenciam et testimonium eorundem. Testes eciam huius rei sunt Discreti viri domini Gherardus de Winteruelde, perpetuus in ecclesia nostra vicarius, Henricus mowe ac Johannes plebanus in Malstorp, nostre curie cappellani, ac henricus in nelinghe, necnon henricus in Crughe, ecclesiarum Rectores, ac quam plures alii fide digni. Datum Anno domini M^o. CCC^o. quinquagesimo, in festo diuisionis apostolorum.